

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus  
desideratas, summoque studio hinc inde conquisitas complectens

**Luxemburgi, 1741**

2. Eximiæ devotionis &c. Bulla de Compositione inter Regem & Papam per  
Nuncios ex utraque parte concordata: anno 1375.
- 

[urn:nbn:de:hbz:466:1-74452](#)

A N N O  
1375.

habentes, ad aliquem locum idoneum, communiter eligendum, ubi tui & memorati Regis Francorum Nuncii possint commode convenire, sine cujuslibet morae dispendio, destinare pro- cures, Tractatum pacis hujusmodi ad finem laudabilem, auxiliante Domino, perducturos; In hoc preces nostras taliter impleturus, quod ipse Rex Regum, qui extollit pacificos, & deprimit inquietos, tuæ Celsitudinem exalteat Solium, prosperitatem adaugeat, ac Regnum tuum in tranquillitate custodiat, Tibique faltus æternæ præmia largiat, Nosque, qui Te sincerè diligimus, eandem Celsitudinem tuam dignis in Domino laudibus attollamus, ac universis Christi Fidelibus publica letitiae consola- tionem exultantibus animis præbere in Domino valeamus. Præfato siquidem Regi Francorum dirigimus similiter scripta nostra, ut idem non differat adimplere; quem nobis in hoc obtemeratur verisimiliter opinamur.

Datum Avinon. Id. Novembri, Pontificatus nostri anno primo.

II.  
Rymer  
Tom. ---

Bulla de Compositione inter Regem & Papam per Nuncios ex utraque parte concordata: anno 1375.

## GREGORIUS EPISCOPUS,

Servus Servorum Dei, ad perpetuam rei memoriam.

**E**ximiæ devotionis sinceritas, quam carif- sumus in Christo Filius noster Eduardus, Rex Angliæ illius, ad Nos & Romanam Ecclesiam gerere comprobatur, sublimis quoque ejus Status eminentia, nec non etiam specialis benevolentia plenitudo, quam ad dilectos Filios, Clerum Angliæ, infra nostra recumbentes præcordia, gerimus, nos inducunt, ut ipsos, Regem atque Clerum, & illos præfertim ex hujusmodi Clero, qui eidem Regi specialis Studio devotionis & fidelitatis adhaerent, favoribus & gratis, illis maximè, qua conscientia pacem & animarum salutem respi- ciunt, muniamus. Cum itaque, sicut accepti- mus, in Regno Anglia sint quamplures Cle- rici, qui ex præsentatione seu collatione dicti Regis, prout ad se pertinere dicebat, Digni- tates, Personatus, Officia, Canonici, & Præbendas, & alia Beneficia Ecclesiastica, cum cura & sine cura, infra Regnum dictum paci- fice possident de præsenti, Nos ne dicti Cle- rici, super hujusmodi Dignitatibus, Personati- bus, Officiis, Canonici, & Præbendas, ac Beneficiis ipsi, possint imposteriori molesta- ri, providere volentes; Prædicta omnia, Di- gnitates, Personatus, Officia, Canonici & Præbendas, & alia Beneficia, præmissis Cleri- cis, sic ea, ut præfertur, obrincentibus, dum tamen tempore, quo illa fuerint assecuti, idonei & habiles essent ad ea obtinenda, etiam si fint dispositioni Apostolicæ quomodolibet reser- vata, & etiam si inter aliquos ex hujusmodi pa- cifice possidentibus, & eorum Adversarios jam defunctos, fuerit aliis in Palatio Apostolico li- gitatum, Auctoritate Apostolica confirmamus,

eos si propter illicitam detentionem eorumdem inhabilitatem incurerant, habilitando. Et eos dictorum Dignitatum, Personatum, Officio- rum, Canonici, & Præbendarum, & allorum Beneficiorum possessione pacifica, quam nunc obtinem, gaudere volumus & etiam ordinamus. Intendentes eorum singulis, si à Nobis petierint, super illis speciales confirmatio- nes seu provisiones novas concedere, prout eis utilius fuerit, & magis videbitur expedire, non obstantibus quibuscumque Constitutionibus Apo- stolicis, nec non Statutis & Consuetudinibus Ecclesiasticis & Locorum, in quibus hujusmodi Beneficia, seu aliqua ex eis confidunt, contra- riis, Juramento, Confirmatione Apostolica, vel quacumque alia firmitate vallatis, etiam si de illis, & totis eorum tenoribus, esset præsenti- bus specialis, & expressa mentio facienda. Nulli ergo omnino homini licet hanc paginam nostræ Confirmationis, Habilitationis, Volun- tatis, & Ordinationis infringere, vel ei au- temario contrarie. Si quis autem hoc at- temptare præsumperit, indignationem omni- potentis Dei & beatorum Petri & Pauli Apo- stolorum ejus se noverit incursum.

Data apud Villam Novam, Avinonensis, Calendas Septembri, Pontificatus nostri anno quinto.

Contra Florentinos: anno 1376.

## GREGORIUS EPISCOPUS,

Servus Servorum Dei, dilecto Filio &c. Sa- lutem & Apostolicam Benedictionem.

A N N O  
1376.III.  
Ex Arch.  
Angliæ  
Rymer  
Tom. 7.  
pag. 103.

**E**xcessus gravissimos, quos iniquitatis Alu- mini, Cives & Populus Civitatis Floren- tinæ, tanquam in reprobrum sensum daci, à septem mensibus citra, contra Deum, & Ro- manam, & nonnullas alias Ecclesiæ, & libertatem Ecclesiasticam commiserunt, prout non desisterunt committere diebus præterius, pro certa parte, cum eos omnes nimis longum ac tædiosum foret scribere & audire, Nobilitati tuae, ut de illis præstatae compateretur Ecclesiæ, ac præstaret auxilium & favorem, per alias nostras litteras duximus referandos. Postmodum autem, cum ipsos excessus nequiremus, absque debiti appositione Remedium præterire, certos graves processus exigente justitia contra eosdem Cives & Populum, eisque quomodolibet dan- tes auxilium, consilium, vel favorem, fecimus, licet, eorum præmerente malitia, digni poruisse- mus facere graviores, quos in Romana Curia, communis omnium Patria, & in diversis Regnis & Terris fidelium publicari mandavimus, prout assidue publicantur. Cumque Procelius ipsos ad Regnum Angliæ, in quo quamplures ex eisdem Civibus immorari dicuntur, pro hujusmodi pu- blicatione ibidem facienda mitramus ad præsens, eandem Nobilitatem rogamus omnixè, quæcunus ob reverentiam Dei, & dictæ Ecclesiæ, & no- stram, in publicatione & executione dictorum processuum, tuum favorem velis efficaciter im- pertire.

Datum Avinon. decimo quinto Calendas Ju- nii, Pontificatus nostri anno sexto,